



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Missionis Anglicanæ Societatis Iesv

More, Henry

Avdomari, 1660

Richardus Fulwood. n. 22.

urn:nbn:de:hbz:466:1-38320

manus in te iniicient; isthic ego manebo, vos pro me orate.) Detine-
bantur interim Irenarcha in vicino conclavi sacra lupullectile corripien-
da quam paratam repererant: Collectâ prædâ tundunt *Ioannis* fores: I-
le, iam tegatus, & lenus non illibenter aperit. Quis tu? inquit. "Ho-
mio, vt videtis.) Sacerdos?" Hoc ego non dico; vestrum erit probare:
sum equidem Catholicus.) Cuius hi libri? Cuius scripta? "mea.)
Erant autem eius generis omnia quibus Societas utitur tum ad preces Sa-
cerdotum ritu persoluendas, tum ad informandos ad fidem & ad piete-
tem animos siue de plano; siue de superiori loco agendum esset; an-
norum decem labores. Tua sunt ista omnia? Mea: Neque plura qua-
rentes, trahunt hominem vincendum. Ille transeundo salutat in aula ob-
uios commendatque Irenarcharum benevolentiam; videri enim sibi eius
conditionis viros esse ac feminas quibus etiam ab ignotis humanitas im-
pendenda esset. Postero die intelligunt hunc hominem septem annis in
Pharmacopæo seruientem, quatuor clausum in Atrio Vintoniensi, libe-
rum fugæ *Gerardi* ex Arce adiutorem fuisse: Id enim falsa fuerat saluo ma-
rito Custodis vxor; neque diffitebatur *Ioannes*. Raptum itaque ad Arcem
eodem cruciamenti genere lacerant quo *Gerardum* vt vbi is ageret fate-
retur.

Ad tres horas pependit; nullo nisi patientiam constantiamque fructu:
Quæ cum etiam spem aperiendorum occultorum abstulisset torquenti-
bus, post tres menses alteri traditur custodiam, in qua Sacerdoti obsequens
roganti eius operam ad euadendum, quâ arte illum, eadem se liberum præ-
stitit. Latuit deinde aliquamdiu apud *Garnettum*; tum nauigans, & Ro-
mam profectus ad *Personium*, quod pluribus annis expecterat in So-
cietatem adscitus est anno seculi sexcentissimi secundo: nondum trigesi-
mum ipse attigerat, sex tamen vel septem solum superstitus correptus len-
tâ tæbe, cui nec aer natiuus mederi potuit; concessitque ad laborum præ-
mia Londini anno post sexcentimum nono: Prudens & ad negotia ce-
ler & industrius; & quod caput est, inculpatæ vitæ iuuenis, qui *Ge-
rardo* teste sex annis quibus illi adhæsit; tantam animæ curam habuit,
vt licet inferioris generis hominum esset quotidianus commensalis &
socius; nihil prauum contaheret quod illum in discrimen duceret graui-
oris culpæ.

X X I I. *Richardus Fulwood* post *Gerardi* ex Arce fugam, fugiens
ipse perquisitores, cum se occultasset in antro domus quam in *Gerar-
di* vius parabat, pro illo tentus ad Brigittæ fontem ductus est; In ar-
cto hic & graueolenti & vermibus scatente gurgustio; nullo ad cuban-
dum, nullo ad sedendum adminiculo; ad mentes aliquot lapis in fen-
stra lectus fuit; victus panis ater; consortium nullum. Quæstioni dein-
de admotus; quam fidelitatem famulando demonstrauerat, auxit patiendõ,

Et

ne que

1602. neq; potuere vexatores quidquam quod clausum esse oportebat exprimere. Datis à quæstione inducijs, & aliquanto ad quietem tempore modum reperit & viam ipse fugiendi, adhæsitque *Garnetto*: Quod cum Senatuum Regium non lateret, edicto proposuere præmium ei qui vincitum duceret: Itaque nauigandum illi fuit; vixitque annis aliquot Dvynkeræ Missioni inprimis utilis.

XXII. Tertius adiutor inter Custodes atrij Wintoniensis vnus, tum cum *Gerardum* iuuit, etsi Catholicis fauentissimus A catholicus erat; neque constat (quod dolendū est) an vnquam se totum Catholicis iunxerit; vitæ tamen discrimen pro *Gerardo* bis adiit. Nam primâ quam fugæ constituerant nocte ignoti hominis subito occurfu impeditâ, cymbam quam regebat retorquens impexit in vallum ante pontem prominens, tanta vi vt hærentem non posset reducere; æstu fluctus propellente tres periclitantur; in clamant à vicinis auxilium; trahuntur duo in eminentes sub ponte lapides; ille euerfa cymbâ natando vix euasit. Alterâ nocte iterum se committit alacer discrimini, & euincit; neque de eo plura recoluntur. Is tamen ad quem præcipuum eius Atrij emolumentum ex asse veniebat, Ecclesiæ à *Gerardo* redditus, vendito iure suo transmisit in Italiam; vbi cum pijs abdicandi seculi cogitationes hausisset, redux in Angliam negotij causa, tentusque, in idem Atrium, cuius fuerat commentariensis, traditur custodiendus, quod pristinos errores inuitus absorberet.

Rogerus
Lea

XXIII. Inter Instrumenta vero *Gerardi* præcipua ad piscandas animas, merito censendus venit *Rogerus Lea*; Is bono loco natus iuuenis, alacritate & vrbantate vniuersim gratus, cum fide Catholica eximiam iungere cupiebat pietatem; eratque in illis qui quartum iam diem exercebantur, quando irruentibus Irenarchis *Lilius* pro *Gerardo* captus est: Humanitate & quâ valebat gratiâ euicit vt datâ cautione discederet tanquam recenter illuc introgressus. Tum ad alias *Gerardi* ædes secedentem vt cæptas commentationes prosequeretur, isthuc etiam secuta suspicio interturbasset, ni se paratis latebris cum *Gerardo* occulisset. Didicerat commentando naturæ & gratiæ dona non solum semper salutis propriæ procurandæ à Deo esse proposita, sed & ad alios mundi huius laqueis extricandos, informandolq; ad ea quæ supra communia sunt vota & cogitata: Itaque siue volucris insidiaretur aucupio, siue feris pro more gentis insectandis exerceret corpus & oblectaret animum, plus serijs quàm ludicris tenebatur, & mente agitabat quos ad fidem, quos ad pietatem ex socijs, *Gerardi* operâ, posset promouere, duxitque complures ad salutarem cum illo familiaritatem. Tum officij sui esse ratus donis acceptis multiplicandis operam date, quod sibi & alijs vtilitatis plurimum accresceret, Romam profectus cum *Thoma Strange*, *Nicolao Hayte*, & *Thoma Smithæo* (qui vna omnes *Gerardi* institutione ad Societate aspirabant post aliquatam in Seminario de vrbe moram adscriptus ipse est vigesimo septimo octo-